



Broj: 05-04-20-189-9/26
Maglaj, 06.03.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-189-7/26 od 06.03.2026. godine, u postupku javne nabavke „Sanacija dijela Ulice Ibrišima Obralića u Starom Gradu“, Općinski načelnik donosi

ODLUKU o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci radova na sanaciji dijela Ulice Ibrišima Obralića u Starom Gradu dodjeljuje se ponuđaču „Hajdić“ d.o.o. Maglaj, u skladu sa ponudom broj 08/26 od 23.02.2026. godine, po ukupnoj cijeni od 193.047,51 KM bez PDV-a, odnosno 225.865,59 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-189/26 od 28.01.2026. godine, pokrenut je postupak javne nabavke „Sanacija dijela Ulice Ibrišima Obralića u Starom Gradu“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-19-3-19/26 od 02.02.2026. godine. Sažetak obavještenja o nabavci objavljen je u „Službenom glasniku BiH“, broj 9/26.

Procijenjena vrijednost nabavke je 196.581,20 KM bez PDV-a, odnosno 230.000,00 KM sa PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila

njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Geo-put” d.o.o. Maglaj	Poljice bb, Maglaj	20.02.2026. 08,06h	1478
2.	“Hajdić” d.o.o. Maglaj	Misurići bb, Maglaj	23.02.2026. 07,45h	1653
3.	GP “Heldovac” d.o.o. Žepče	Ljeskovica bb, Žepče	23.02.2026. 07,58h	1654

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

S obzirom da Komisija nije mogla utvrditi da li ponuđači posjeduju iskustvo u izvođenju radova koji su srodni radovima koji su predmet ovog postupka nabavke, te u skladu s tim izvršiti analizu njihove kvalifikovanosti u predmetnom postupku, od sva tri ponuđača je traženo pojašnjenje referenci, u skladu sa članom 48. stav (5) Zakona o javnim nabavkama. Ponuđači “Hajdić” d.o.o. Maglaj i “Geo-put” d.o.o. Maglaj su blagovremeno dostavili tražena pojašnjenja, uz dokumentaciju iz koje se može utvrditi karakter radova izvedenih po ugovorima/narudžbenicama koji su navedeni u dostavljenim potvrđama o urednom izvršenju. Analizom dostavljenog, Komisija je konstatovala da navedeni ponuđači posjeduju iskustvo u izvršenju radova koji su srodni radovima koji su predmet ovog postupak nabavke, te su njihove ponude ocijenjene prihvatljivim. Ponuđač GP “Heldovac” d.o.o. Žepče nije dostavio traženo pojašnjenje, te je Komisija njegovu ponudu odbacila kao neprihvatljivu.

E-aukcija je zakazana za dan 06.03.2026. godine s početkom u 09,40 sati. Nakon održane e-aukcije, konačna rang lista u predmetnom postupku je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om	Umanjenje cijene na e-aukciji
1.	“Hajdić” d.o.o. Maglaj	193.047,51	225.865,59	0%
2.	“Geo-put” d.o.o. Maglaj	195.995,11	229.314,28	0%

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na sanaciji dijela Ulice Ibrišima Obralića u Starom Gradu dodijeli ponuđaču „Hajdić” d.o.o.

Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 06.03.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

